


T 3060/60314

14

CM 0	1	2	3	4	5	6	7	8	9	10	11	12	13	14	15	16	17							
Lab D50 2	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	40/9/-43	42/57/29	82/4/79	51/50/-13	50/-28/-29	38/14/16	66/16/18	50/-5/-22	43/-14/21	55/-9/-25	71/-32/0	62/34/60	52/48/17	31/21/-21	72/-23/57	73/19/68

Harvard College Library Imaging Services <http://imaging.harvard.edu>











漢中府  
疆域圖

漢中府

疆域

圖




北交寶雞縣  
界五百十里

東交北縣界三百六十里

東交石泉縣界三百十里

東南交紫陽縣  
界三百二十里

南交江南縣界四百里





西北交西當縣  
界四百八十里

西交階州界


西南交廣元縣界三百四十里

































中紫柏山


後紫柏山

張良辟穀處

前紫柏山











定軍山

萬壽塔


縣河



漢江

武侯祠






全  
 正  
 中  
 爽  
 圖











漢中府

漢中府


漢中府

漢中府









關中勝蹟圖志卷十九

兵部侍郎兼都察院右副都御史陝西巡撫臣畢沅纂

地理

漢中府釋名漢書地理志秦郡華陽國志秦惠文王二

年置郡因水名也謹案以為惠文王府志郡臨漢水之

陽南面漢山故名沿革一統志治在省城西南一千七

十里禹貢梁州之域謹案通考舜置十二州梁州其春

秋時為蜀地戰國初秦楚之境後屬秦置漢中郡謹案

秦惠文王十三年攻楚漢中取地六百餘里置漢中郡漢初為漢國後仍為漢中

郡屬益州謹案武帝元朔二年後漢因之三國屬蜀謹案

關中勝蹟圖志卷十九

哈佛大學漢和  
圖書館珍藏印



後漢末張魯據其地改漢魏景元四年克蜀兼置梁州

中為漢寧魏武復曰漢中謹案袁宏後漢紀云建安四年分涼州四郡置梁州十

八年省以其郡國併屬冀州王隱晉書魏末克蜀分廣

漢巴涪陵以北七晉因之謹案晉書地理志秦始東晉

郡為梁州治沔陽隆安中又僑置秦州宋齊因之梁天監三年入於魏曰

梁州漢中郡大同初還梁西魏廢帝元年復克之隋開

皇三年郡廢大業三年州廢改為漢川郡唐武德初復

曰梁州置總管府開元十三年改曰褒州謹案唐志云

近更二十年復故天寶初曰漢中郡乾元初復曰梁州

興元元年升興元府為山南西道節度使治謹案唐志

分山南道開元二十一年分山南東五代屬蜀謹案唐

西道鄭樵通志山南西道治漢中宋曰興元府漢

貞傳茂貞被梁圍興元遂入于蜀通考中郡山南西道節度為利州路治紹興十四年分為利

云孟蜀改興元府為天義軍後復故州路治元為興元路屬陝西行省明洪武三年改為漢

中府九年屬陝西布政使司

本朝因之領縣八曰南鄭褒城城固洋西鄉鳳沔畧陽州

一曰寧羌廳一曰留壩形勝華陽國志東接南郡南接

廣漢西接隴西陰平北接秦州唐六典東接荆楚西抵

隴蜀南控大江北據商華之南歐陽詹集秦之坤蜀之

艮連高夾深九州之險唐文宗命溫造為山南西道節

度使詔漢水上游梁山東險控巴岷之道路作咸鎬之

關

中勝蹟圖志 卷十九

二



藩屏太平寰宇記氏羌接軫為威御之鎮孫道夫奏議  
 前瞰三秦後蔽四川黃橫以為蜀之股肱楊洪以為蜀  
 之咽喉府城太平寰宇記大業八年築城南臨漢水通  
 志舊址在府東二里秦厲公所築漢高祖王漢中時居  
 此宋嘉定十二年徙築今城明正德五年修築悉甃以  
 磚周九里有奇天啟元年因建瑞藩展北二丈十步門  
 四東曰朝陽西曰振武南曰望江北曰拱宸  
 南鄭縣釋名水經注縣故褒之附庸也耆舊傳云南鄭  
 之號始于鄭桓公其民南奔故以南鄭為稱漢中郡治  
 也沿革一統志附郭本秦南鄭邑漢置縣為漢中郡治

後漢至南北朝因之

魏廢復

雲縣大業初併入隋為漢川郡治唐為興元府治宋因之  
宋紹興四年曾析置廉水縣紹定中廢元為興元路治明為漢中府治

本朝因之

褒城縣釋名顏師古漢書注即梁州之褒縣也舊曰褒

中通志隋改曰褒城沿革一統志治在府西北四十里

漢置褒中縣謹案漢以漢陽鄉置華陽屬漢中郡為都

尉治後漢因之晉義熙中改曰苞中謹案宋書州郡志

漢中移治魏興縱滅還治漢中之苞中縣所謂南城也又路史盟會圖梁州褒城縣漢之褒中義熙改曰苞中  
 晉志仍作劉宋省後魏永平四年復置褒中縣兼置褒



中郡隋開皇初郡廢改縣曰褒內仁壽元年又改褒城  
謹案隋志仁壽九年以失印更給改名元和志作元年一統志從元和志屬漢川郡義寧二  
年又改褒中唐貞觀三年復曰褒城屬興元府宋因之  
元屬興元路明屬漢中府

本朝因之形勝史記棧道千里惟褒斜綰轂其口岑參集  
為蜀西蔽在周南岐府志東環褒水西峙牛山中梁聳  
其南雲棧繞其北縣志九域志宋嘉祐中徙治于山河  
堰通志漢唐建縣于打鐘壩宋徙山河堰北紹興中兵  
燬明正德四年蜀有藍鄙之亂巡撫藍璋以褒據秦蜀  
之衝下令修築甃城以石周三里門四

本朝因之形勝郭愷開石峽記介梁洋之間南控巴山北

距漢水通志前瞰巴山後據秦嶺漢江清水合流雙乳  
五峰並峙縣志水經注城或言韓信始立或言張良始  
築通志蜀漢建興七年諸葛亮建樂城魏正始中移治  
壻鄉宋崇寧二年移建今城明正德七年拓築甃甃周



七里有奇門四

洋縣釋名太平寰宇記後魏置洋州因水為名謹案水經注載

漢中記曰洋川者漢戚夫人之所生處也高祖得而寵之夫人思慕本鄉追求洋川米帝乃驛致長安蠲復其

鄉更名曰縣攷漢志無洋川縣漢中記不知何所本並附志于此沿革一統志治在府

東一百二十里漢城固縣地晉置興道縣屬漢中郡劉

宋廢後魏延昌三年置興勢縣屬晉昌縣謹案寰宇記

勢縣復自石泉移晉昌郡于西魏分置儻成郡謹案寰宇記

此因晉舊名也縣以山得名隋開皇初郡廢以縣屬漢川郡唐初屬

洋州貞觀二十三年改曰興道天寶十五載移洋川郡

來治乾元初復改郡曰洋州屬山南西道五代時孟蜀

改曰源州謹案寰宇記蜀避宋初復曰洋州元至元二

年以州治興道縣省入屬興元路明初降州為縣屬漢

中府

本朝因之形勝方輿勝覽要地有三置關有八府志龍首

峙于北瀟水滙於西縣城通志宋熙寧間文同守洋州

築土為城明崇正七年甃以甃周七里有奇門五唐和

川詩華夷圖上見洋川知在青山綠水邊官閑最好遊

僧舍江近應須買釣船鄭谷送祠部曹郎中鄴出守洋

州詩為儒欣出守上路亦戎裝舊製詩多諷分憂俗必

康開懷江稻熟寄信露橙香郡閣清吟夜寒星識望郎

宋蔡交洋州詩武定新碓闌豐寧舊奧墟地兼秦蜀美

川會漢洋紆翠壘環封嶺清流躍冶渠安知下斜谷別

得上華胥乾酒香村落生金富里閭晴軒迎蟬棘夜管

送蟾蜍啼鳥絃幽塢芳花綉碧墟路飛游女葢巷曳隱

關中勝蹟圖志 卷十九



人裾陸會尋穿石江邀揭聚魚繳將藤解圻耗用穀驅  
除雙竹溪翁杖柔芎壩戶蔬鎮留仙子限巖遂佛人居  
照市成都錦盈庠闕里書採茶驚雉鷓護橘趁狨徂俗  
洽庭無訟年豐膾有儲大資州將懶貌與世賢疎統總  
村何有甘酣分已餘正宜心自作更欲位誰如未  
執歸田未猶乘集事車好於閑靜處積漸學樵漁

西鄉縣釋名府志與夔之東鄉對故名沿革一統志治

在府東南二百四十里漢城固縣地蜀漢置南鄉縣晉

改曰西鄉謹案宋書州郡志以屬漢中郡宋齊因之後

魏改置豐寧縣謹案元和志正始中廢西兼置洋州及

洋川郡隋開皇中郡廢大業初州廢縣復曰西鄉屬漢

川郡唐武德初復於縣置洋州天寶初曰洋川郡十五

載徙郡治興道以西鄉屬焉謹案唐初曾析置洋宋亦

源縣寶歷元年省

屬洋州元屬興元路

謹案續通考西鄉宋端平中廢明復置

明屬漢中府

本朝因之形勝張台耀重修城垣記三楚上游關南候邑

通志南接蜀川北連秦嶺江漢遶其東巴山峙其西縣

城通志宋建於蒿坪山之陽元遷今治建城甃土相半

明正德中築東關新城嘉靖初悉甃以甃周三里門四

宋文同過西鄉詩西鄉巴嶺下鳥道入孱顏使騎到荒

驛野禽啼亂山問民青靄裏訪古白雲間幾日南來路

新詩滿

鳳縣釋名通典鳳州春秋氏羌之所居方輿勝覽鸞鷲

嘗鳴於岐翱翔至南而集焉是以西岐曰鳳翔南岐曰

鳳州沿革一統志治在府西北三百八十里漢置故道



縣屬武都郡後漢及晉因之謹案縣于永嘉後沒氏羌後魏太和元年改置涼泉縣尋改曰梁泉謹案元和志取縣西梁泉為名屬固道郡以故為固

蓋變孝昌中又置南岐州西魏廢帝三年改州為河池

郡唐武德初復為鳳州天寶初曰河池郡乾元初仍曰

鳳州屬山南西道謹案唐初曾析置黃花縣寶歷元年省五代屬岐後屬

蜀謹案五代史職方考鳳州岐蜀唐晉漢周俱有宋仍曰鳳州河池郡屬秦鳳

路元至元五年以州治梁泉縣省入屬興元路明初降

州為縣屬漢中府

本朝因之形勝太平寰宇記北接藩戎東綿秦漢縣志大

散扼其東武休障其西褒斜阻其南秦嶺限其北重巖

疊嶂隱然為蜀門重地縣城通志古鳳州舊治明嘉靖

十九年悉甃以石周四里有奇門三宋汪元量鳳州歌

大散橫盤勢更危躍馬紫金河畔路萬枝楊柳撒金絲

明薛瑄過鳳縣詩莫道西行蜀道難老來深喜縱遐觀

山從太白連岷嶺水號嘉陵出散關石積層崖知地厚

路登絕巘覺天寬驅兵過此思諸葛大節常留宇宙間

沔縣釋名通志本漢沔陽以沔水為名也元至元中移

沔州來治明降為縣沿革一統志治在府西一百十里

漢置沔陽縣屬漢中郡後漢晉及宋齊因之後魏析置

嶓冢縣並屬華陽郡謹案郡國記以為正始中置隋初

省沔陽縣大業初改嶓冢曰西縣謹案郡國志以縣屬

漢川郡唐武德三年于縣置褒州八年州廢縣屬梁州

關中勝蹟圖志 卷十九

七



謹案唐志武德三年以縣置褒州會析利州之綿谷置金牛縣寶歷元年省

縣直隸京師謹案太平寰宇記平蜀後以西縣及三泉今寧羌州後屬興元府元初屬沔州至元二十年

省西縣入略陽改置鐸水縣移沔州來治後又省鐸水

縣人州謹案元一統志鐸水縣本西縣舊鎮也戊午年以其地升為褒州改鎮為縣至元二十年廢褒

州移沔州來治省縣入州明初改州為縣屬漢中府成化二十二年

改屬寧羌州謹案明會典舊隸寧羌州嘉靖八年改隸

本朝仍屬漢中府形勝張浚奏議漢沔形勝之地前控六

師之路後據西蜀之要左通荆襄之財右出秦隴之馬

縣城水經注城蕭何所築南臨漢水北帶通達華陽國

志城舊傳蕭何所築劉備為先主權住此城通鑑地理

通釋蜀令蔣濟築漢城通志明洪武四年遷于西山谷

口沔水環流萬歷元年甃以甃周三里門四

略陽縣釋名通志用武之地曰略衆山之南曰陽故以

為名沿革一統志治在府西北二百九十里漢置沮縣

屬武都郡後漢及晉因之謹案元和志漢本沮縣地永嘉末為氏人所據郡縣荒廢

後魏正始三年置武興鎮尋改置東益州及武興郡謹案

胡三省通鑑注武興漢武都之沮縣也宋立東益州以

為宋者誤雍勝畧云楊茂搜分王武興後魏為武興縣

又僑立畧陽郡畧陽縣漢之畧陽在今鞏昌界故僑置

于此又後魏析置落叢郡明水縣長舉縣皆于此地

西魏廢帝二年改州曰興州郡曰順政謹案以漢曲靈

道二縣附焉皆

關中勝蹟圖志 卷十九



畧陽地也漢曲隋開皇三年廢大業二年罷州為順政  
靈道大業初廢並併入順政  
 郡唐武德初復為興州天寶初復曰順政郡乾元初仍  
 曰興州屬山南西道五代屬蜀宋仍曰興州順政郡屬  
 利州路開禧三年改州曰沔州縣曰畧陽嘉定三年仍  
 屬利州路元至元十四年改屬廣元路二十年移沔州  
 治鐸水縣以畧陽縣屬焉明初屬漢中府成化二十二  
 年改屬寧羌州

本朝仍屬漢中府形勝柳宗元興州江運記崖谷峻絕十  
 里百折府志山峰環轟江濤洶湧道路險惡控扼蜀門  
 縣城通志即古興州城址明正德六年築土城周五里

門五

寧羌州釋名通志本白馬氏東境成化中設寧羌取輯

寧氏羌之意沿革一統志治在府西南二百有八十里

漢廣漢郡葭萌縣地謹案應劭音家萌晉梓潼郡晉壽縣地隋

為義成郡綿谷縣地唐武德四年分置三泉縣兼置南

安州謹案分綿谷縣置八年州廢縣屬利州天寶元年改屬漢

中郡宋乾德三年以縣直隸京師至道二年建為太安

軍三年軍廢縣仍屬京師紹興三年復置太安軍屬利

州路元初為太安州至元二十年降州為縣屬沔州又

省三泉縣入之明初省太安入沔縣改置寧羌衛成化



關中形勝圖志 卷十九  
九

本朝因之形勝元一統志劍閣朝天峙其西五丁嶓冢據其北南控川蜀東連漢沔府志控扼蜀門山有嶓冢河有漾水州城通志舊為白馬氏之羊鹿坪明洪武三十年因羌民田九成據馬面山作亂遣指揮姜觀建寧羌衛于此成化二十二年建州於衛治南漢水繞城地勢險固周七百七十餘丈門四

留壩廳釋名府志治西紫栢山相傳留侯辟穀之所故名明初置巡司于此謹案明何景明武關詩作劉壩沿革府志本鳳縣地縣舊設草涼梁山三岔松林留壩武關六驛乾隆十

五年移駐漢中府通判分管松林留壩武關三驛二十九年將三驛地方事務分隸管轄三十九年改設同知為留壩廳形勝府志南出褒斜秦楚要膺城垣府志本巡司舊堡明築



關中勝蹟圖志卷十九終

關中勝蹟圖志卷二十

兵部侍郎兼都察院右副都御史陝西巡撫臣畢沅纂

名山

漢中府旱山在南鄭縣西南二十里詩大雅瞻彼旱麓  
毛傳旱山名漢書地理志南鄭縣有旱山水經注池水  
出旱山周地圖記山上有雲卽雨旁有石牛十二頭下  
有石池水雍大記漢山在縣西南三十里四峰八面東  
臨老渚河北距漢水南接巴山有池水一統志亦名天  
池山謹案旱漢以音近而訛後人遂分以爲二山也漢志池水出旱山而雍大記漢山有池水益爲可據  
梁山在南鄭縣東南百八十里太平寰宇記爾雅云南



方之美者有梁州之犀象焉州因山名胡三省通鑑注  
梁山大山四圍其中三十里許甚平曠或云古梁州治  
也輿地紀勝其西與孤峰兩角諸山相接縣志亦曰梁  
州山謹案胡三省說與輿地紀勝中梁山之說同

玉女山在南鄭縣南百九十里唐書地理志南鄭縣有  
玉女山太平寰宇記上有古城三門不可登山下時聞  
鐘磬之聲道經云玉女所居之地故名輿地紀勝一名  
米倉山與大巴山相連謹案大巴山卽下嶺巴山有韓信廟及截賢  
嶺云蕭何追韓信至此縣志米倉山高聳摩雲登其巔  
則褒沔洋鳳俱歸一覽人稱之爲仙臺山

龍岡山在南鄭縣西十里隋書地理志南鄭縣有龍岡  
山華陽國志龍岡山北臨漢水南帶廉津輿地紀勝相  
傳梁天監中有龍鬪於此故名

黃牛山在南鄭縣西南五十里魏書地形志華陽縣有  
黃牛山隋書地理志南鄭縣有黃牛山謹案華陽後魏有沔縣也蓋山

界兩縣之間志家皆入于南鄭今從之太平寰宇記山有石黃色遠望如  
牛因名山下有黃牛川十道記云黃牛川有再熟之稻  
土人重之

中梁山在南鄭縣西十五里唐書地理志南鄭縣有中  
梁山輿地紀勝漢中紀云以其鎮梁州之中故名雍勝



畧山脉西自沔縣定軍山來明一統志在南鄭褒城之界宋徐積中梁山寺詩上方梯磴繞巖頭誰就孤高更起樓直望漢江三百里一條如練下洋州寶山在南鄭縣北十餘里輿地紀勝舊傳山中得寶珠故名

巴嶺山在南鄭縣南百九十里接西鄉界水經注廉水出巴嶺山周地圖記此嶺之南古之巴國元和郡縣志東濱漢江與三峽相接山南卽古巴嶺輿地紀勝亦名孤雲山在廉水縣東南百七十里相近者曰兩角山聽山在南鄭縣西北二十七里水經注壻水北發聽山輿地紀勝西抵壻水小溪通志俗傳唐公房仙去壻歸

惟聞空中歌管聲因名聽山

師子山在南鄭縣北四十里雍勝畧形如師子上有寶峰院下有洗佛潭通志潭在師子山西南水自懸崖下注其潭有三地險水深

籠蓋山在南鄭縣西南五十里雍勝畧其南麓與巴山相接老渚河源出于此

峨公山在南鄭縣南六十里通志宋元嘉十一年蕭承之進據峨公山擊敗楊難當軍梁土民思承之功于峨公山立廟祀之

駱谷在南鄭縣東北百二十里水經注洛谷水出洛谷



谷北通長安謹案洛與駱同雍勝畧駱谷在南鄭縣北通盤屋

駱谷關通志自洋之真符至此屈曲八十里八十四盤

姜維伐魏出此宋韓琮駱谷詩秦川如畫柳如絲去國還家一望時公子皇孫莫來好嶺花多

是斷腸枝

武鄉谷在南鄭縣東北三十里十道志即諸葛亮受封

之地以上南鄭

石門山在褒城縣北十里左思蜀都賦岨以石門水經

注褒水東南逕大石門歷故棧道下谷又東南歷小石

門門穿山通道六丈有餘刻石言漢明帝永平中司隸

校尉犍為楊厥之所開逮桓帝建和二年漢中太守同

郡王升琢石頌德輿地記石門在褒中之北漢中之西

是為全蜀之險縣志石門在縣北鷄頭關下此門通可

避七盤之險漢王升石門頌惟坤靈定位川澤股躬澤有所注川有所通斜谷之川其澤南隆八

方所達益域為充高祖受命興于漢中道由子午山散

入秦建定帝位以漢詆焉後以子午塗路澁難更隨圍

谷復通堂光凡此四道垓尤艱至于永平其有四年

詔書開斜鑿通石門中遭元二西夷虐殘橋梁斷絕子

午復修上則懸峻屈曲流巔下則入窞廡寫輪淵平阿

源泥常蔭鮮晏木石相距利磨礪臨危槍礪履尾心

寒空輿輕騎滯碍弗前惡蟲蔽狩蛇蝱毒蟬末秋截霜

稼苗夭殘終年不登匱餒之患早者楚惡尊者弗安愁

苦之難焉可具言于是明知故司隸校尉犍為武陽楊

君厥字孟文深執忠伉數上奏請有司議駁君遂執爭

百僚咸從帝用是聽廢子由斯得其度經功飭爾要敞

而晏平清涼調和烝烝父寧建和二年仲冬上旬漢中

太守犍為武陽王升字稚紀涉歷山道推序本原嘉君

明智美其仁賢勒石頌德以明厥勲其辭曰君德明明

關中券賁圖志 卷二十一



炳煥彌光刺過拾遺屬清八荒奉魁承杓綏億衙疆春  
 宣聖恩秋貶若霜無偏蕩真雅以方寧靜悉庶政與  
 乾通輔主匡君修禮有常咸曉地理知世紀綱言必忠  
 義匪石厥章恢宏節儉而益明揆往卓今謀合朝情  
 辭艱即安有勲有榮禹鑿龍門君其繼蹤上順斗極下  
 答坤皇自南自北四海攸通君子安樂庶士悅雍商人  
 咸喜農夫永同春秋記異今而紀功垂流億載世世歎  
 誦序曰明哉仁知豫識難易原度天道安危所歸勤  
 竭誠榮名休麗魏王遠石門銘并序此門蓋漢永平中  
 所穿經數百載世代綿邈戎夷遞作乍開乍閉通塞不  
 恒自晉氏南遷斯路廢矣其崖岸崩淪澗閣湮地南北  
 各數十里車馬不通者久之攀蘿捫葛然後可至皇魏  
 正始元年漢中獻地褒斜始開至于門北一里西上鑿  
 山為道峭岨盤紆九折無以加徑途窒碍行者苦之梁  
 秦初附實仗才賢朝難其人哀簡良牧三年詔假節龍  
 驤將軍梁泰二州刺史泰山羊公建旗幡豸撫境綏遐  
 蓋有叔子之風焉以天險難升轉輸難阻表求自迴萬  
 以東開創道路釋負擔之勞就方軌之逸詔遣左核令  
 賈三德領徒一萬人將帥百人共成其事三德巧思機  
 發情解意會雖元凱之梁河德衡之損躡未足以偶其

奇謀起自四年十一月十日訖永平二年正月畢工閣  
 廣四丈路廣六丈皆填溪棧壑陟險梁危自迴萬至谷  
 口二百餘里連駟駟而進往哲所不工前賢所輟思  
 莫不夷通焉王生履之可無臨深之歎葛氏若存幸息  
 木牛之勞于是蓄產爐鉄之利純綿屬既之饒充物川  
 內四民富貴百姓息肩壯矣自非思埒班固籌等張蔡  
 忠公忘私何能成其事哉乃作銘曰龍門斯鑿大禹所  
 彰茲巖乃穴肇自漢皇道由國中以宣四方其功伊何  
 既逸且康去深去阻匪閤匪良西帶汧隴東控樊襄河  
 山雖險漢德是強昔為畿甸今則關疆永懷古烈蹟在  
 人亾不逢殊績何用再光水眺收晶林望幽長夕凝晚  
 露晝涵曙霜秋風夏起寒鳥春傷穹窿高閣有車麟麟  
 成夷古道駟牡其駟千載絕軌百兩更新敢刊巖曲以  
 紀鴻塵。謹案此二頌銘皆磨崖刻於石門中者今見  
 在孟文頌隸書建和二年立王遠銘正書永平二年立  
 此外又有漢鄯君開道碑永平六年立魏李苞題名景  
 元四年立並分書又有楊淮碑  
 楊彌及淮即孟文之曾孫也

衙領山在褒城縣西北九十八里漢書地理志武功縣



褒斜二水俱出衙領山水經注褒水西北出衙領山

謹案

縣北九十五里有馬道山東北有鳳皇山一名太白山又縣北九十五里有燕子崖以道里計之疑即衙領嶺今作嶺同

七盤山在褒城縣北十里雍大記七盤山頂曰鷄頭山

通志在鷄頭關下盤迴七轉方至山頂由此入連雲棧

山頂有洞下有穴大如斗名魚洞唐沈佺期夜宿七盤嶺詩獨遊千里外高

臥七盤西山月臨窻近天河入戶低芳春平仲綠清夜子規啼浮客空留聽褒城聞曙鷄吳融登七盤嶺詩才

非賈傅亦遷官五月驅羸上一七盤從此自知身計定不能迴首望長安七盤嶺上一長號將謂青天鑿鬱陶近

日青天都不鑿七盤應是未高高

箕山在褒城縣北二十里輿地紀勝箕山上有池四時

不涸俗號秦王獵池山南有穴號丙穴有谷號道人谷

即鄭子真隱處左思蜀都賦嘉魚出于丙穴劉逵注有

魚穴三所常以三月取之丙地名也水經注丙穴出嘉

魚常以三月出十月入地穴口廣五六尺去平地七八

尺有泉懸注魚自穴下透入水穴口向丙故曰丙穴

孤雲山在褒城縣南百二十里與南鄭縣接界玉堂閑

話興元南有路通巴州其路深溪峭巖捫蘿摸石一上

三日達于山頂行人止宿則絙蔓繫腰縈樹而寢不然

則墮深澗其絕頂謂之孤雲兩角彼中諺云孤雲兩角

去天一握淮陰侯廟在焉



牛頭山在褒城縣西二十五里魏書地形志武鄉縣有牛頭山唐書地理志褒城縣有牛頭山太平寰宇記山高百仞其上雲覆如笠卽雨故亦號爲戴笠山雍勝畧山有巨石似牛頭其下有靈液泉謹案寰宇記以爲丙水源出于此女郎山在褒城縣西南八十里水經注漢水南有女郎山上有女郎冢有直路下出不生草木世人謂之女郎道下有女郎廟及搗衣石言張魯女也隋書地理志褒城縣有女郎山輿地紀勝俗呼姑子山

中梁山在褒城縣南三十五里自南鄭界來府志南麓有玉女洞溪水自山峽下瀉懸如瀑布又數步有水湧

出爲玉女泉合溪水灌田縣志從南山入褒城有三道東曰猴子嶺中曰土地埡西曰石梯口石路崎嶇迤西孤峰特立者曰大孤山又西特立兩河口者曰小孤山鷄翁山在褒城縣北六里唐韋莊詩自注鷄公幘去褒城縣二十里稽神錄唐温造爲興元節度使行漢中大雨平地水尺餘不可進乃禱鷄翁山神疾風驅雲卽時晴霽文宗聞其事封山神爲侯謹案寰宇記亦載其事云造文宗時人通志卽連城山也山下臨褒水相傳爲漢王練兵處謹案通志

以此山爲連城後山爲鷄翁唐韋莊鷄公幘詩石狀雖如幘山形可類鷄向風疑欲鬪帶雨似聞啼蔓織青籠合松長翠栢低不鳴非有意爲怕客奔齊



雲霧山在褒城縣西北七十里通志絕頂有崖高百尺橫數十步縣境高山此爲第一上有水痕如龍黑白各四顛倒懸掛其東西橫截者爲橫當山乃雲霧山北界觀山在褒城縣西北七十里一統志一名雲夢山最高處有雲臺觀觀東一里曰飛仙崖石峰壁立高三百五十五丈崖下曰龍洞深數步下有石池水自上滴入不溢不涸又西三里有青龍洞深丈餘亦有石池又有聖水洞石井亦深丈餘

石笋山在褒城縣北百二十里通志山下有龍潭廣一畝許遊者至潭隈相戒毋警欬有之則徹底清潭頃刻

渾濁見者無不駭心又相近有迴水洞褒水至此潛入崖穴東通城固縣壻水河

金華山在褒城縣南九十里通志從外望之層巒疊嶂包裹有如蓮花自內視之透邈平曠最爲幽勝相近有青銜山山多杉檜其頂有石如銜

華山在褒城縣西南一百十里通志根盤百里許有洞高大深邃內有靈湫禱雨輒應

玉映山在褒城縣南百九十里一統志明嘉靖中始開有石竇曰麒麟洞可以禱雨

褒谷在褒城縣東北十里通志自此入連雲棧西北一



百五十里入鳳縣界又二百二十里直抵郿縣之斜谷今亦謂之南谷所謂南口曰褒也史記留侯世家漢王至國良送至褒中正義褒谷在梁州褒城縣北五十里左思蜀都賦良木攢于褒谷劉達注褒中縣南口斜谷水源在北南流經褒中故北口曰斜南口曰褒同一谷耳長四百七十里水經注褒水自小石門又東南歷褒口卽褒谷之南口也元和郡縣志褒谷山在縣北五里郡國志中間谷道褒水所流也

黃鹿谷在褒城縣東二十里太平寰宇記谷中多鹿土人亦名黃鹿山輿地紀勝一名鹿堂谷

赤崖在褒城縣西北諸葛亮與兄瑾書頃大水暴出赤崖以南橋閣悉壞通志褒斜閣道所經亦曰赤岸蜀漢置赤岸庫於此以資軍儲已上褒城

通關山在城固縣北三十里水經注壻水經通關勢南山高百丈餘高祖北定三秦蕭何守漢中欲修北道通關中故名爲通關勢輿地紀勝山在壻水北

桃林山在城固縣西北四十里雍勝畧山上有石觀音像隱然崖壁間其相近又有風高山山上有風洞又稍東有五峰山

九真山在城固縣北五十里輿地紀勝道家謂太白山



六百里與三嵎山相接大峰上有九真玉井

斗山在城固縣西北二十里周地圖記斗山上下有石

穴開山圖斗山凡五穴一通崑崙山一通隴山一通武

當山一通青城山一通長安穴雍勝畧與三嵎山對峙

脉自三嵎迤邐而南迴轉東向一峰聳起有似斗杓壻

水自北縈繞東出上有昇仙觀古稱福地三嵎山在縣

西北四十里輿地紀勝高聳萬仞中多靈藥太平寰宇

記周地圖記云三嵎山上有三峰如覆鼎足唐王仁裕題斗山觀

詩霞衣欲舉醉陶陶不覺全家住絳霄拔宅只知雞犬在上天誰信路岐遙三清遼廓拋塵夢八景雲烟事早

朝為有故林蒼栢健露華涼葉鎖金鸞

白雲山在城固縣東北三十里通志山東有神崖山南

有駱駝山西連牛蹄山北接龍泉山多產藥物俗傳張

良辟穀於此已上城固

輿勢山在洋縣北四十三里魏書地形志龍亭縣有鎮

勢山謹案龍亭故城在縣東水經注小城固城北百二十里有輿

勢坂諸葛亮出駱谷成輿勢置烽火樓處元和郡縣志

洋州輿道縣後魏分置輿勢縣治輿勢山上謹案輿道故城在今

縣東輿勢故城在今縣北太平寰宇記在輿道縣西北今郡城所枕

自然隴勢形如一盆外險而內有大谷為盤道以上數

里始及四門最為險固唐和凝輿勢觀詩山名輿勢鎮梁洋儼有真風福此方瘦栢握

關中勝蹟圖志卷二十一



盤籠殿紫靈泉澄潔浸花香暫遊頗愛閑人少久住  
翻嫌白日忙只向五千文字內願成金骨住仙鄉

太白山在洋縣東北唐書地理志真符縣有太白山真

符洞輿地紀勝山去真符縣四百五十里面隸鳳翔背

屬真符唐天寶中得玉冊於此謹案此太白之陽其山陰即郿縣詳見郿縣

寒泉山在洋縣北百二十里水經注陽都坂西連寒泉

嶺漢中記曰自西城涉黃金峭寒泉嶺陽都坂峻嶒百

里絕壁萬尋既造其峰謂已踰崧岱復瞻前嶺又倍過

之通志仙人李八百居之唐公房謁八百以杖指崖間

泉即湧出清涼特甚因以名山謹案縣東北諸山嶺皆太白山之陽麓也

龍亭山在洋縣東二十五里輿地紀勝赤坂在洋州東

龍亭山土色甚赭建興八年魏軍侵漢武侯次城固赤

坂以待之即此通鑑地理通釋赤坂為龍亭入于午谷

之口謹案舊置龍亭縣于此山上故名

白巖山在洋縣西北六十里輿地紀勝益水沙溪中山

有白石因名

七疊山在洋縣西北六十里輿地紀勝在真符縣西北

三十里疊嶂七層

石鏗山在洋縣北五十里雍勝畧山最高每雨必有雲

出其頂通志九十四峰高聳連雲上有石椿石箱

祈子山在洋縣南七里通志一名鳳翼山下瞰漢江東



關中勝蹟圖志 卷二十一  
枕沙河上有聖母祠祈禱輒應故名俗訛爲鷄子山山巔有雲卽雨旱常禱此

華陽山在洋縣北百四十里通志唐分置華陽縣在今縣北以此名也

子午谷在洋縣東百六十里顏師古漢書注今京城直南山有谷通梁漢道者名子午谷北山是子南山是午唐書地里志黃金縣有子午谷路京城前直子午谷元和郡縣志黃金縣有驛卽子午道也舊道在今金州安康縣界梁將王神念以舊道緣山避水橋梁百數多有毀壞乃別開乾路更名子午道卽此路也府志子午谷

有二一在洋縣東一百六十里此漢魏舊道也梁別開乾路在縣東三十里龍亭

黃金谷在洋縣北八十里水經注山有黃金峭水對黃金谷元和郡縣志黃金縣西北有百畝山黃金谷其谷水陸難險語曰山水艱阻黃金子午魏曹爽伐蜀蜀將王平拒之于黃金谷謂此山也

瀼谷在洋縣北三十里元和郡縣志瀼谷一名駱谷在興道縣北三十里唐書地里志興道縣有駱谷路南口曰瀼谷北口曰駱谷輿地紀勝駱谷在真符縣屈曲八十里凡八十四盤通志後魏之瀼城郡以此名

謹案瀼城故城



在今縣北

箕筥谷在洋縣北十里府志由土門入循灋水而陟其

上內平外昂一覽山無遺勝又掘地三尺即得水產佳

竹舊有亭今廢

宋蘇軾文與可畫筥筥谷偃竹記竹之始生一寸之萌耳而節葉具焉自蜩腹

蚶蚶以至于劍拔十尋者生而有之也今畫者乃節節而為之葉葉而累之豈復有竹乎故畫竹者必先得成竹于胸中執筆熟視乃見其所欲畫者急起從之振筆直遂以追其所見如兔起鶻落少縱則逝矣與可之教予如此予不能然也而心識其所以然夫既心識其所以然而不能然者內外不一心手不相應不學之過也故凡有見于中而操之不熟者平居自視了然而臨事忽焉喪之豈獨竹乎子由為墨竹賦以遺與可曰庖丁解牛者也而養生者取之輪扁斲輪者也而讀書者與之今夫夫子之託于斯竹也而以子為有道者則非耶子由未嘗畫也故得其意而已若予者豈獨得其意并得其法與可畫竹初不自貴重四方之人持縑素而請

者足相躡于其門與可厭之投諸地而罵曰吾將以為鞮士大夫傳之以為口實及與可自洋州還而余為徐州與可以書遺余曰近語士大夫吾墨竹一派近在彭城可往求之鞮材當萃于子矣書尾復寫一詩其畧曰擬將一段鶯谿絹掃取寒梢萬尺長余謂與可竹長萬尺當用絹二百五十匹知公倦于筆研願得此絹而已與可無以答則曰吾安矣世豈有萬尺竹哉余因而實之答其詩曰世間亦有千尋竹月落庭空影許長與可笑曰蘇子辯則辯矣然二百五十匹吾將買田而歸老焉因以所畫筥筥谷偃竹遺余曰此竹數尺耳而有萬尺之勢筥筥谷在洋州與可嘗令余作洋州三十詠筥筥谷其一也余詩云漢川修竹賤如蓬斤斧何曾赦籜龍料得清貧饒太守渭濱千畝在胸中與可是日與其妻遊谷中燒筥晚食發函得詩失笑噴飯滿案元豐二年正月二十日與可沒于陳州是歲七月七日余在湖州曝書畫見此竹發卷而哭失聲昔曹孟德祭橋公文有車過腹痛之語而余亦載與可疇昔戲之言者以見與可于余親厚無間如此也

清水谷在洋縣東北三十里唐書地理志天寶八載真



符縣開清水谷縣志一名青谷

三嶺在洋縣東北二百餘里通志蜀漢費禕拒曹爽處

巴上洋縣

巴嶺山在西鄉縣西南接四川巴州界輿地紀勝巴嶺

山在舊洋源縣南十里謹案洋源故城在縣南

雲亭山在西鄉縣南八里唐書地理志西鄉縣有雲亭

山輿地紀勝圖經云山連巴嶺五百里崖谷險峻因山

興雲其狀如亭故名

白廟山在西鄉縣南四百里太平寰宇記西鄉縣有白

廟山山上有老子廟

星子山在西鄉縣南三百里通志洋水源出于此

午子山在西鄉縣東南二十里一統志一名母子山三

峰削立二水環流山巔有洞四五深不可測風出入有

聲謂之風洞亦謂之午子洞又聖水峽在山之東峽中

有泉自穴湧出一日三潮謂龍泉又飛龍山在山之左

冠朱山在山之右

鳳凰山在西鄉縣南十五里通志又相近有皂軍山宋

吳玠屯兵于此上有播鼓臺又有龍洞元陽洞皆禱雨

之所

饒風嶺在西鄉縣東北一百五十里一統志在漢江北



岸與石泉接界

穿石崖在西鄉縣南七十里通志絕壁千仞上有水簾

宋進士雷忠避兵處削成一壁高不可攀穴容千人白

雲時聚時散故穴不常見

秦王洞在西鄉縣東四十里輿地紀勝地名秦里巖洞

後多產牡丹已上西鄉

遯蹟山在鳳縣北一里方輿勝覽唐冲妙先生張果之

別隱淳熙中憲使李大正大書遯蹟山三字鐫于山麓

雍勝畧一名龍腦山雍大記一名虎腦山通志今俗呼

為豆積山

謹案遯豆聲之轉蹟積字之譌

南岐山在鳳縣南十里雍勝畧上有竹雲洞內有湫池

旱禱多應方輿勝覽鳳之名縣其疆理與鳳翔府相鄰

是以西岐曰鳳翔府南岐曰鳳州此山其交接之界也

三松山在鳳縣東北百里九域志梁泉縣有三松山太

平寰宇記三松山一名長松山山有三峰並有長松因

名

馬鞍山在鳳縣東南二十里水經注馬鞍水東出馬鞍

山通志安河水出此

鳳皇山在鳳縣東三里雍勝畧世傳鳳凰嘗集于此一

統志一名鸞鷲山



玉皇山在鳳縣東八十里一統志山極高寒不生禽鳥絕頂有大石覆如殿宇

黃牛塞山在鳳縣東北百十里通志宋吳玠將楊從義與金撒離喝大戰於此

興趙原在鳳縣東北方與勝覽紹興十二年與金分割乃割秦商之半又棄和尚原方山原以大散關為界于關內則興趙原為控扼之所

父子谷在鳳縣北二里太平寰宇記父子谷在梁泉縣東三十里有大小石若相懷抱因名通志唐僖宗幸蜀時至白石鎮有村叟進醴問其居曰父子谷因賜金帛

已上鳳縣

定軍山在沔縣東南十里蜀志建安二十四年先主自

陽平南渡沔水緣山稍前依定軍山勢作營夏侯淵將兵來爭先主命黃忠乘高攻之斬淵遂有漢中華陽國

志諸葛亮葬定軍山山北臨沔水水經注沔陽故城南

對定軍山隋書地理志西縣有定軍山謹案漢沔陽故城在今縣之東

隋西縣故城在今縣之西

臥龍山在沔縣北一里一統志東連百丈坡上有蓮花

池池上舊有臥龍亭相傳武侯讀書處

白馬山在沔縣西五里水經注灋水逕張魯治東水西



關中勝蹟圖志 卷二十一  
有山庾仲雍謂之白馬塞太平寰宇記西縣有白馬山  
張衡家傳云衡于灑口升仙時乘白馬後人遙望山上  
往往有白馬往來因名

卓筆山在沔縣南二十里輿地紀勝一峰削出有如卓  
筆故名元一統志其地名龍門鄉山中有泉通志峰巒  
削起如筆下有聖水亢旱不涸宋元時每禱雨於此

潭壽山在沔縣西北八十五里雍大記在舊大安軍之  
三泉今沔縣地宋紹興三年金撒離喝入興元劉子羽

築壘於此以扼之

謹案舊大安軍三泉故城  
俱在今縣西南接寧羌界

鐵山在沔縣北五里通志宋隆興時姚仲置寨於此以

### 禦金人

龍門山在沔縣南六十里何景明仇池諸山記山在官

道傍懸壁環合上透碧虛中敞大洞下漱清泉水簾懸

夏冰柱凝冬宋文潞公宋景文趙清獻王素韓絳呂况

呂公弼呂大防皆有留題行三里又有龍洞蘇元老云

自利至興行五百里幾半蜀道而巖洞之可喜莫如龍

洞重簷厦屋深不可測通志石穴十數其狀如門故名

武興山在沔縣東北十五里通志東臨舊州河西接百

丈坡元褒州城在此自鳳縣南桑坪而入至百丈坡而

出長二百里爲古陳倉道今荒塞

沔縣上



巾子山在畧陽縣南三里太平寰宇記山半有洞名硃沙洞方輿勝覽巾子山一名鳳皇山勢如鳳翔元一統志一名三峰山首冠羣山高聳萬仞卓然壁立有楊難當祠對融山在其後

大丙山在畧陽縣東南七十里又小丙山兩山相連通典順政縣有小丙山有穴太平寰宇記大景小景二山景字本為丙唐諱改之並在順政縣東南七十里其山峻崖南北相對高百餘丈山衣石髮被於崖際北有穴方圓二丈餘其穴有水潛流土人相傳為丙穴周地圖記云以其口面丙因以為名沮水經穴門而過或謂之

大丙水每春三月上旬有魚從穴出躍相傳名為嘉魚

左太冲賦所謂嘉魚出于丙穴是此山也

謹案水經注丙水上承丙

穴下注褒水據此丙穴當在褒城而杜佑謂在順政太平寰宇記因以為沮水所經二者不能相合雍勝畧又以寧羌州有嘉魚洞為即丙穴其餘在褒沔之間漢川南北魚洞不一其處通志謂地氣相類魚自穴出者多而人皆欲假丙穴以美其名紀載或多失實其說信矣臣又考前代地志所載丙穴不獨在漢中如巴陵昆陽皆有之而蜀中尤多若邛州大邑縣萬州梁山縣達州明通縣並稱有丙穴蓋本太平寰宇記通志列入沔縣而以畧陽之二景山為誤然考略陽接壤沔縣畧陽之東南即沔縣之西北通志謂在沔縣西北八十里覈其地理與在畧陽者實則一山今從一統志載之

寶子山在畧陽縣西北元一統志相傳其山產金寶故名相近有萬仞山上有白起寨下枕嘉陵江有門



落叢山在畧陽縣西北太平寰宇記在鳴水縣西北十  
四里謹案鳴水故城在今縣西一百一十里亦曰北厨縣隋時名也通志周武帝改落  
叢郡以是名也

玉女山在畧陽縣東南三十里名山記山高千仞雲霞  
映之不見其巔山半有白石如人冠冕坐於崖間前有  
白石數層如人侍立狀

天池山在畧陽縣北四十里通志山巔有池方一畝水  
深丈許冬夏澄滢

八度山在畧陽縣北七十里通志四面險阻林木幽深  
山溪交萃路列三岐要害之區也縣志山接嶽縣界為

嶽鳳要路

石鑑山在畧陽縣東北通志山崖當中有一石片方廣  
尺餘光明可鑑

青泥嶺在畧陽縣北百五十里九域志長舉縣有青泥  
嶺謹案長舉故城在今縣北通志古棧道也後改道於白水江宋余靖過

青泥嶺詩老杜休誇蜀道難我聞天險不  
同山青泥嶺上青雲客二十年來七往還

飛仙嶺在畧陽縣東南四十里方輿勝覽相傳徐佐卿  
化鶴昇仙之地上有閣道百間即入蜀大道元一統志

此路舊從西縣過經由沮水宋太平興國五年移改于  
是嶺唐杜青飛仙閣詩土門山行窄微徑緣秋毫棧雲  
關干峻梯石結構牢萬壑欹疎林積陰帶奔濤寒



日外澹泊長風中怒號歇鞍在地底始覺所歷高往來  
雜坐臥人馬同疲勞浮生有定分饑飽豈可逃嘆息謂  
妻子我何  
隨汝曹

藥水巖在畧陽縣南七里嘉陵江上方輿勝覽去沔州  
城七里南有二石洞洞有泉能療疾劉異藥水寺詩自  
注山上有石乳洞昔人采石乳入此洞中約行半日忽  
見天色朗徹奇花異木非凡所有為白鹿所觸驚迷而  
回後再遊大石塞其門矣石今尚存通志兩洞之間有  
一泉西流入嘉陵江謂之藥水飲之愈疾上山五里為  
石乳洞容千餘人前有一泉不竭

朝陽洞在畧陽縣北百二十里通志在白水江邊懸崖

間亦名藥水洞有鍾乳石蓮花盆承石上水飲之已疾

左壁有瀑布十餘尋以上畧陽

蓮屏山在寧羗州北十里通志羣峰秀聳如蓮花又如  
屏障故名

龍門山在寧羗州西北一百五里元和郡縣志縣谷縣

泉水出龍門山輿地紀勝山下有龍洞深七十三步廣

半之兩傍石壁嵌空若龍鱗甲皆具其下皆平石水行

其上宋蘇在延龍門洞記自蜀至京四千餘里幾半天

百里幾半蜀道巖洞之可喜者莫如利三泉興自利至興行五  
大道不能二里又自大觀南行支徑不能百步山舒水  
湧無他異少焉突有若觀闕者當其前迫而視之則龍  
門洞也其深七十三步廣半之其兩旁石壁之嵌空突  
怒者若耳目鼻口鱗甲跟肘俱具其下皆石為底水紋



其石若鋪筦簞石墮其間若設俎豆其兩巖瘦木翠蔓  
附石而生歲稔下覆若綴纓珞木蔓之與石相門若濺  
先交映若垂冕旒水底其勢跳瀉與石幽殆非人  
霜雪其聲鏘鳴與洞相應若響琴筑清寒邃以聳世俗  
境予不能盡名其狀蓋造物者專為是瑰奇為平有土  
天地間一尤物耳循洞南升石斷山分棄奇為人居之若  
田甚沃有竹箭檜而松柏雜他卉木甚茂野人居之若  
桃源者少而落向此奇峭也淳化縣相傳往有  
迤東騰去及洞之額而為布湧地中清冷滑甘委  
蟄龍騰去及洞之額而為布湧地中清冷滑甘委  
泳始開游燕之洞所自出東北又合嘉陵大江深不可涉  
橋於洞北閣於洞所自出東北又合嘉陵大江深不可涉  
於洞西以便游者又南而於洞東北又合嘉陵大江深不可涉  
秀復得洞焉若重簷夏屋深不可入窮有石禱祀取余蜀水  
洞中既清且冽然以前道惡絕無可游歲早禱祀取余蜀水  
輒應疑龍之所然以前道惡絕無可游歲早禱祀取余蜀水  
人飲酒賦詩往來京蜀凡十數過未嘗不游與也余蜀水  
飲酒賦詩往來京蜀凡十數過未嘗不游與也余蜀水  
侯山甫為令於此余家父又為尉於此書來告余曰  
願有記也余聞之秀川子厚而愚今茲洞之峴山雖卑以  
叔子而顯冉溪雖秀且文人之過者相躡也而獨  
非得奇文無以稱之且文人之過者相躡也而獨  
非得奇文無以稱之且文人之過者相躡也而獨  
以屬余何哉嗟夫靈壁之石天下奇玩也蓋僅有巖穴  
處耳徒以其近於中都故取重當世甚至一蓋僅有巖穴

矣今此洞豈特  
技於王公貴人  
逸士之所耽玩  
雖辱之以余文  
歸老于故山過

魚山在寧羌州西北百五十里輿地紀勝魚山在江北

龍山在江南通志魚山在陽平關嘉陵江北巋然獨高

頂平而闊相傳昔武侯屯兵于此

天池山在寧羌州東北七十里通志層巒疊嶂迴出羣

峰其上有池四時不涸有寒氣逼人莫敢近近則雷

電立至

玉簪山在寧羌州東北六十里通志山有要嶺亭為一



郡登覽之要其後最高處為鷄冠山

金牛峽在寧羌州北九十里今日曰嶓冢山魏書地形志

嶓冢縣有嶓冢山隋書地理志西縣有嶓冢山通典漢

中金牛縣嶓冢山禹導漾水東流為漢水通志山有道

通隴蜀東西兩漢界以分流梁益二州雄為扼塞踞褒

沔之上游為巴蜀之門戶山下有石牛五為秦王給蜀

所作又名五女峽水經注來敏本蜀論曰秦惠王欲伐

蜀而不知道作五石牛以金置尾下言能屎金蜀王負

力令五丁引之道成秦使張儀司馬錯尋路伐蜀因曰

石牛道蜀王本紀秦獻美女于蜀王使五丁迎女見一

大蛇入山穴中五丁引蛇山崩五女皆上山化為石唐李

商隱行至金牛驛寄興元渤海尚書詩樓上春雲水底

天五雲章色破巴賤諸生個個王恭柳從事人人庾杲

蓮六曲屏風江雨急九枝燈檠夜珠圓深慙走馬金牛

路驟和陳王白玉篇胡曾金牛驛詩山嶺千重擁蜀門

成都別是一乾坤五丁不鑿金牛路秦惠何由得併吞

謹案漢志隴西郡西縣有嶓冢山西漢水所出攷漢西

縣在今秦州界桑欽酈道元郭璞諸家並謂禹貢嶓冢

山在此自魏移置嶓冢縣于漢沔陽縣地隋即改為西

嶓冢之名已定金牛之名不可返矣今特為訂正

滴水巖在寧羌州北三十里輿地紀勝在大安軍西七

十里兩山峭拔其中一峰有飛泉千丈下至山根激石

成五花

龍洞在寧羌州東北百里通志自高而下凡丈餘洞三



十重皆有二石柱爲之障限內有天生石牀牀下有水不竭遇旱取水雨卽至

嘉魚山在寧羌州南七十里雍勝畧在西流河崖畔秋冬水涸則魚藏春夏水漲則魚出味美似鮓故名

壺子臺在寧羌州西南四十五里輿地紀勝自韓溪西四十餘里水出巖下成潭潭口湍流成溪下流五里平地突出一峰如浮圖狀上干雲霄謂之壺子臺

已上寧羌

紫栢山在留壩廳西北四十里太平寰宇記紫栢山在

梁泉縣東周地圖記云其山兩頭高狀如龍形一名龍

如山謹案九域志梁泉縣有龍安山疑卽龍如之異名山多紫栢方輿勝覽山

中有七十二洞仙人多隱于此隴蜀餘聞紫栢山在紫

栢嶺南相傳留侯辟穀于此下有留侯祠通志有洞在

山頂石壁峻險人不可到

焦崖山在留壩廳北一百里接兩當界太平寰宇記焦

崖山在黃花故城西北四十五里通志一名紅崖山

御愛山在留壩廳東三十里唐韋莊入蜀記大散嶺之

北僖宗巡幸歷山下愛玩不能去方輿勝覽御愛山在

松林堡側宋王素御愛山詩當日蒙塵歷險難得逢蒼翠喜開顏吾皇高拱巖廊上只愛生靈不愛

山







